

YMA Chu tanpui ngaite tanpuitu a ni

ESTD.1990



YMA

AW



CHANMARI WEST BRANCH YMA CHANCHINBU KAR TIN CHHUAK. VOL. XXIII. ISSUE NO.15 10th April 2011

HSLC 2011 RESULT TIHCHHUAH A NI

Chanmari West April 10: Mizoram Board of School Education chuan High School Leaving Certificate examination 2011 result chu ni 7.4.2011 khan a tichhuak a, he result a pass percentage chu 69.99% a ni. HSLC exam ah hian candidate 11,025 awmin heng zinga 7,716 hi an pass a ni. HSLC exama pass 7,716 zinga 3,929 hi mipa an ni a, hmeichhia 3,787 an ni.

HSLC 2011 result ah hian Pakhatna pahnih awmin, chungte chu F.Lalvenhimi d/o F.Lalramenga (New Serchhip) Mt.Carmel School-a kal leh St. Paul's HSS atangin Sujaya Singha d/o DK Singha niin mark 500 ah mark 466 ve ve an hmu a ni. Top 10-ah hian mi 13 an lang a, hmeichhia 11 niin mipa 2 an tel bawk a ni. HSLC exam ah hian compartmental chance nei 278 an awm bawk a, heng mite hian May 9 ah exam an nei leh dawn a ni. Tun tum HSLC ah hian candidate pass vekna school 144 a awm a, chutih laiin pass awm miah lohna school 29 a awm a, chung zinga school 25 chu zirlai fail vekna school a ni.

MBSE in hriattima achhuah danin Exam paper ennawn dil duh tan subject pahnih aia tam lovah dil theih a ni a, subject pakhatah fee 100 pein, April 21 hmain office ah dilna thehluh tur a ni.

Hetih lai hian kan vengchhung-ah bik heng New Horizon, Spingdale leh Chanmari West H/S result pawh a tha thawkhat hle a, New Horizon School ah hian candidate 44 awmin zirlai 43 an pass a, percentage chu 97.73% a ni a, Distinction-ah 1 awmin, letter

hm 13 an awmani. Springdale School-ah hian zirlai 17 exam in mi 13 an pass a, percentage chu 76.47% a ni. Tin, letter hmu mi 4 lai an nei bawk. Chanmari West High School ah hian candidate 11 zinga 8 an pass a, percentage hi 72.73% a ni. Exam centre 296 zingah 165-na an ni. Vengchhung atanga pass zawng zawngte CWBYMA chuan a lawmpui takzet a, hlawhtlinna chang ve lo te pawh hlawhtling ngei turin duhsakna a hlan a ni.

ADVERTISEMENT

CYMA leh Fire & Emergency Services tangkawp, Fire awareness campaign-na chikhat, a duh apiang tel theihna Article inziahsia. Thupui 'Senmei a hrang lue e' (Khawchhunga mei kang chhuahna chhan leh fimkhur tulzia te, a tantirh a chet vat hlawkzia leh kangmeiin min tih hreawm zia etc. tilang thei tur article) Word 2500 aia tamlo. Lawmman Pakhatna 10,000, Pahnihna 7,000, Pathumna 5,000. Article ziaktuten May 2011 ral hma ngeiin CYMA office-ah thehluh tur a ni ang.

Hrechiang duh tan :

Contact : 9436196820/9436140005.



Kan News Editor RK.Malsawmkima nupui neih
Editorial Board te nen (7/4/2011)

Published and Edited by Chanmari West Branch YMA. 950 Copies

Branch News

Kan Branch President Office Duty-a chhimlamah a zin chu dam takin a lo haw leh ta.

Kan Bialtu MLA chuan kan Branch YMATE Sunshield(Silpouline) tha tak mai min pe a,a chungah lawmthu kan sawi a ni.

Ni 7.4.2011-a HSLC Result chhuakaa,kan veng atanga hlawhtlinna chang zawng zawngte kan lawmpui tak zet a ni.

Vanapa Section Fin.Secretary leh YMAAw News Editor te'n 'tiam tlate' an ti chu kan lawmpui hle a ni.

Tunlai hian kan Branch YMA Adviser Pu Vanlalsawma damsam lo deuh a, a dam thuai kan duhpui hle.

Chanmari West Branch Chhiatni Inchhiarna (3/4/2011)

Section	HRT	MEM	TT
CH-Sect.	4	24	28
K-Sect.	16	26	42
N-Sect.	12	17	29
T-Sect.	17	50	67
V-Sect.	11	37	48
Total			214

PEM LUT

1. *Vanhmingmawia*, Phullen Branch atanga rawn pem. Pu RK.Thantluanga In luah T-Section.

2. *Lalrinkhuma*, Hmuntha Branch atanga rawn pem. Pi Chalthiangi In luah, T-Section.

YMA PARK HI KAN VENG MAWINA A NI TIH HRIA IN I VAWNG THIANGHLIM ANG U.

Pathian ngaihsakna hi lungawina tel zawngin hlawkna nasa tak a ni reng a ni. Khawvelah hian engmah kan luhpui si lo va, engmah kan chhuahpui thei bawk hek lo.
I Timothea 6:6-7

Editorial Board

Editor

RK.Rozidinga
9436142304

Joint Editor :

RK. Malsawmkima
9862578441

News Editor

Tv. Thangkhuma
9862303135

Pu Vanlalhluta
9862366308

Tv. Vanlalfawna
9856301975

Cir.Manager

Johny Lalthanpuia
9612359161

Jacob Lalrinsanga
9612319779

Production Manager

R.Lalhmachhuana
9436151817

Branch Office Bearer

President

T.Ngurkhuma
9436190843

Vice President

R.Lalhmachhuana
9436151817

Secretary

RL.Thanhnuna
9436152760

Asst. Secretary

K.Darthantluanga
9436196071

Treasurer

C.Lalzarliana
9436142049

Fin.Secretary

Lalthuamluua
9612216649

Advisers

Pi Zamanthangi
Pu Vanlalsawma
Pu Rothuama
Pu Lalbiakthanga
Khangte

Nang erawh chu engkimah fimkhur la, hrehawm tuar la, Chanchin Tha hriltu lam hna thawk la, i rawngbawlna kha hlen rawh. II Tim 4:5

Editorial : Sawkar chhiara kumthar kan chuangkai chho leh ta reng mai a, hetihlai hian pawl hrang hrang a hruaitu hrang hrang te hmalakna kal mek leh hma kan lak tawhna ah te khawtlang tan leh vengchhung tan engang chiahin nge hna kan thawh a hma kan lak tih chu kan in hre theuh awm e. Sawkar hmalakna hrang hrang leh khawtlang hruaitute hmalakna ah hian keini veng hi a hnufual kan ni fo mai hi khawtlang hruaitute in en let kan mamawh takzet a, kawng hrang hrang a kan hnathawhna ah veng hmangaih tak nge kan nih keimahni hlawnka tur chauh ngaihtuah a hnathawk kan ni tih hi mipuiten an chhut fo thin a ni.

Hmasawnna hi khawtlang hruaitu leh Political party hruaitu hrang hrang te kut ah a awm a tih theih a, kan hruaitute hian khawtlang inrelbawlna hi kan chiang tawk em tih kan in zawh fo a tha in a rinawm. 'Miten min chhiar min thlir reng e' tih rilru pu a hna kan thawh hi a pawimawh takzet a ni. Chuti ni lova keimahni duh dan leh tha kan tih zawnga kan kal mawp mawp ringawt chuan hruaitu dem hlawn tak leh khawtlang than mawh bawk kan ni ang tih a hlauhawm a, kan theih ang tawk tawk ah mahni duhdan maia kal lovin, midangte thu ngaichang thiam fo a ke kan pen chuan kan khawtlang hi a lo nuamin hma kan sawn ngei ang tih i hre thar leh theuh ang u.

(Report chhunzawmna)

VANAPA

☞ An Section Financial Secretary Lalrotluangi'n Pasal a neih san chu an ui rual rual in an lawmpui takzet ani.

☞ An Section Zaipawl Conductor Tv H.Lalthazuala (Puia) pawh IMEM in a Gospel Solo in tihsiai an neih mekah Judge niin a buai theih hle ani.

☞ MBSE in ningani a Result a tih chhuah ah Section chhung atangin hriat theih chinah heng mite hi an pass:

1. Lalhrualtuanga s/o Gordon Zosangliana III Div.
 2. R.Lalruatfela s/o R.Laldawngluu II Div.
 3. C.Lalmuankima s/o C.Lalnunmawia II Div. Lett in Mizo
 4. Annie Zothansangi d/o K.Lalramzauva I Div. Lett in Mizo
 5. Lalkrawsthangi d/o David Lalchamliana III Div.
 6. Christina Lalchhandami d/o RK Pahlira I Div.
 7. Rodingliana s/o C.Lalrinawma III Div..
 8. Baby Lallianpuii d/o H.Lalremtsanga I Div. Lett in Mizo
 9. Vanlalmawipuii d/o H.Zaithanzauva I Div. Lett Mizo
 10. R.Lalawmpuii d/o Lalmalsawma III Div.
 11. Lalbiakmawia s/o Biakzawna II Div.
 12. Malsawmtluanga s/o C.Lalrinzuala I Div. Lett Mizo
- ☞ April-June thla chhunga Section in charge turin Pu Lalthuamluua ruat ani chu an lawm hle.

ZCC NEWS

☞ Pu C.Rozama (L) V Sect. te chhungku in Club khuang kaihna tur a tul zawng zawng a thlawnin an tih sak vek a an chhungkaw chungah an lawm takzet ani.

☞ Songs and Drama Programme Kolasib a an neih Bill pawh ni 4.4.11 khan lak fel ani a. A tul anga Bill lo buaipui tu an Comm member Rohlui K Sec chungah an lawm hle.

☞ Ni 5.4.11zan atang khan Middle School kawtah lamzir thin ani a, Club member lam zir duh zawng zawng te ni 12.4.11 (Tue) zanah kal vek turin an in hriattir a, School; kawt phal taka hman tirtu Headmaster leh Staff te chungah lawmthu an sawi.

CWSC NEWS

☞ Ni 19.9.2011(tuesday) khian sporting club hruaitu thar thlanna Indoor Stadium ah neih a ni dawn a, member atam thei ang ber kal turin an in ngen.

☞ Aizawl district Athletic Association buatsaih 1st Aizawl District Athletic Meet 2011, ni 14-15.4.2011 hian Ramhlun Sport Complex ah neih a ni dawn a, vengchhung atanga tel tum te Pu H.Lalramhluna hnenah in report tur a ni e.

Items turte:-

Running event :-

100m, 200m, 400m, 800m (Men & Women)
1500m (Women), 3000m (Men)

Throwing event :-

1.Discuss 2.Shotput 3.Javelin

Jumping event :-

1.High jump 2.Long jump

CVTTP NEWS

☞ Ni 1.4.11 zan a Executive meeting chuan CVTTP Library Building a Cable in zam neitu zawng zawng ten April thla ral hma ngei a Library Building a in Cable zam te khawngaih taka seng hawi turin kan in ngen in kan in hriattir a ni e. Hun tiam chhunga mahni cable senghawi lo kan awm anih chuan Pawlin tul a tih angin a seng hawi dawn ani.

☞ CVTTP Library ah lehkhabu rintlak leh ngaihnawm tak tak hawh chhuah tur a awm reng e. Tin, Registration la ti lo te tan ` 20 chawiin a in register theih reng bawke. Kartin Inrinni zing dar 10:00 atanga tlai dar 3:00 thlengin hawn thin a ni e.

PROPERTY SUB COMMITTEE

☞ Information Mike siam ngai lai te siam mek zel ani a, siam that ngai a awm chuan hruaitu te hnenah a rang lama hriattir thin turin an in ngen

☞ Information Mike hman dan tur chu duan mek ani.

Tunkar chu thu leh hla a tam deuh avangin hmun hrang hrangah kan chap dark nuaih mai a, chhiartute in mi hriathiamna kan ngen e. Kan Branch OB leh section hruaitute'n min tawiawm thin a in chungah kan lawm tak meuh meuh a ni.

TAITESENA

Section budget ` 4500/- chu kar kalta khan tlakfel a ni.
 YMA AW man khawn tawh sa ` 10560/- pawh kar hmasa khan Branch ah chhun luh a ni. YMA AW leh Chhiatni Fund la khawn fel lo te a ranglama tifel thuai turin an in ngen.
 Tunkar hun remchangah Kuangduan hntlang neih tum a ni a, hruaitute hunawl lo insiam turin an in ngen.
 Section chhunga HSLC pass thar te tilang turin hmunawl a awm tam loh avangin karleh issue ah tihsan tum a ni. Hruaituten kan bial theuha pass te Secretary hnenah hriattir tur a ni e.

An hruaitu Tv.RK.Malsawmkima ni thin chu ni 7.4.11 khan 'Pa' nihna title ni turin kawppui tha tak a nei a, an lawmpuiin nupa hlism tak an nih ngei theih nan duhsakna an hlan.

An hruaitu tangkai tak lo ni thin Lt.Laltanzuali (d/o Lalthanzama) pawhin Ni 13.4.2011 hian Baktawng ah pasal a nei dawn a, a thlahna hun ni 11.4.2011 hian an chenna in T-Section-ah neih a ni dawn a, hruaitu zawng zawng te tawiawm theuh turin an in hriattir.

CHAWNGBAWLA

HSSLC result chhuakah an section atangin hriattheih chinah mi 17 in tha takin an pass a, Distinction ah pahnih (2), 1st Div ah paruk (6), 2nd Div ah pahnih (2) leh 3rd Div ah pasarih (7) an pass a ni. Pass te hi an lawmpui a, an kal zelna turah duhsakna ah hlan. tih hmaih palh an awm chuan section hruaitute hnenah in hriattir theih nise an lawm hle ang.

HSLC passed te :-

1. Lalrinfeli d/o Lalmuanzunga III
2. Israela Zoramthara s/o Lalramliana
3. Christina Lalniengi d/o Rochharliana
4. Malsawmtluanga s/o Lalrawngbawla 1Div.(Lett Mizo)
5. K.Lalnunpuia s/o K.Darhmingthanga III Div.
6. C.Lalhminghlua s/o C.Vanlalmuapuia IDiv. (Lett Eng)
7. Vanlalhruaii Khiangte d/o K.Lalthakima Distinction Lett. Mizo,Sc.)
8. B.Malsawmdawngliana s/o B.Vanlalhruaia IDiv. (Lett. SS,Mizo)
9. R.Lalruatfela s/o R. Thangzika III Div.

(CH-Sect. report chhunzawmna)

10. Vanlaldiki d/o Lalromawia III Div.
11. Lallawmsanga s/o Kawlramvela III Div.
12. Ricky C.Vanlalhruaia s/o Lalbiakthanga III Div.
13. Lalrinhui d/o Lalbiaktluanga II Div.
14. Henry Malsawmzuala s/o C.Vanlaldikkima IDiv.(Lmz)
15. K.Lalfakawma s/o K.Lalthansanga III Div.
- 16.C.Lalramswmliana s/o C.Lalzarliana IDiv.
17. K.Lalmuapuia d/o K. Zothansanga D(LEng,Math,Mizo SS,Sc) SS ah topper

An Section huam chhunga school awm pahnih New Horizon School of Education leh Springdale School te chu an zirlaite thatakin an pass a, an lampui hle.

Chhiatni fund, YMA AW leh YMA Chanchinbu man khawn chhun zawm zel a ni a, chhungtinte lo ngai pawimawh turin an ngen.

KHUANGCHERA

Dt. 9,4,2011 Inrinni nileng khan hruaituten Kuangduan leh YMA RUN tih changtlun nan hnatlang an neia, thawkchhuak zawng zawng chungah lawmthu an sawi.

Pu. Lalawmawia Vanapa Section chuan YMA RUN a dah turin Silling fan tha deuh mai a pe chu a chungah lawmthu an sawi.

YMA RUN bula zunin siamnan Ni.R.Lalramengzami chuan NSS atangin ` 15,000/- a rawn pe a, a chungah lawmthu an sawi.

Pu VL.Huma Ex-Leader K-Section chuan YMA RUN tan Sanalian a rawn pe a , a chungah lawmthu an sawi.

Hriattheih chinah heng a hnuai mite hian HSLC 2010 an passed a an lawmpui hle.

1. Lalrinkhuma (tetea) s/o Lalrinliana II Div.
2. Lalrinzuali d/o Vanlalhruaii III Div.
3. Lallawmzuala s/o HV.Lalthavela II
- 4.C.Lalhmangaiha s/o Vanlaltanpuia I Div.
- 5.Khawpuimawia s/o Jeho Lalhumhima II Div.
6. C.Lallawmawma s/o Huapthanzauba II Div.
7. Vanlalhlui s/o Thaliana II Div.
- 8.H.Lalmuanawma s/o H.Vanlalsanga IDiv.

(K-Sect. report chhunzawmna)

9. Lalmuanpuii d/o F.Zosanga I Div.
10. Zonunpuii d/o Lalchharliani I Div.
11. Lalchhanchhuaha s/o C.Lalrinkima III Div.
2. Zomuanpua s/o Lalrohlui II Div. Hmaih palh a awm chuan karleh lamah rawn tarlan leh ni ang.
3. Hruaitute mithi lumen, khawhar in kal, thlanlaih ah te kan in tuaitharna hre reng a thahnem ngai leh zual turin kan in ngen.
4. Chhiatni fund leh YMA AW man khawn mek a ni a, la pe remchang lote tun thla chhung a pe tla hram turin an in ngen.

NEUVA

Ni 6.4.2011 Nilai zan inkawm ban khan rora thiar a sum tuak hnatlang neih a ni a, inhlawnna siamsaktu Pu Rochhunga te chhung, Thingpui, Theitui buatsaisaktu Pu Rochhunga te chhung leh Pu R.Lalhmingliana tec h h u n g chungah leh Branch O.B. incharge Pu K.Darthantluanga'n a telpui chu an lawm hle.

Nimin Inrinni khan Blanket su a sumtuak hnatlang Pi Vanlalnghaki inkawtah neih a ni a, Sintex leh Tui pump khawl hawhtirtu Pi Charliani (LS Bakery) te chhungkaw chungah leh member hnatlang zawng zawng te chungah lawmthu an sawi.

Tunkar hun remchang hmasa ber ah Section Committee koh tum a ni.

Central YMA in Mizo infiamma a buatsaih YMA chhang pual intihsia a lawman 1 (pakhata) Sanghar Ngulawn a latu Lalhmingmawia s/o Lalrintluangi (L) chu an lawmpui hle.

An Section huam chhung atangin hriattheih chinah heng mite hian HSLC tha takin an passed a an lawmpui hle.

- 1) Israel Lalrochama s/o Lalthanhrlila - Dist. Letter in all subj.
- 2) Mary Laltanpuii d/o K.Lalzuithanga - Dist. Letter in MIL, Social Science.
- 3) Lalrinfela s/o Vanlalvuana - I Div. Letter in MIL
- 4) Vanlalchhungi d/o Lalremruata - II Div.
- 5) Lalramnghaki d/o Lalhmunmawia Pautu - II Div.
- 6) Ruthi Lalhminghluii d/o Lalsangpuii - II Div.
- 7) P.C.Lalrinliani d/o Zonunsanga - III Div.
- 8) Biaknghinglovi d/o H.Vanlalsawma
- 9) Lalmuanawma s/o F.Lalzuala - III Div.

(Report Phek 2-na ah chhunzawm a ni)


RAMCHHUNG RAMPAWN

» Kum 2011 Chhiarpui Mizoram bikah mihring 10,91,014 (nuaih sawm singkua sangkhat leh sawmpali) kan awm a, kum 2001 chhiarpui aiin mi 2,02,441 in kan pung a mipa 1000 zelal hmeichhia 975 a ni. Heng zingah hian mipa 5,52,339 leh hmeichhia 5,38,675 kan awm. Hetih lai hian India ram pumah mihring 1,21,01,93,422 kan awm. Ziak leh chhiarthiamah State zingah pahnihna niin Kerala (93.91%) kan tluk lo a, 91.58% kan nih laiin Lakshadweep (U.T) 92.28% an ni thung. India rampum literacy rate chu 74.04% a ni. Mizoramah khaw-hmingpu 830 aawm a, mihring awmnna 719, khawpui (town) 23 a awm. North East State pariat zingah Sikkim chiah mihring tam lamah hian kan khum a, hetih lai hian Nagaland chu kum 2001 Census aiin an tlem tlat thung a ni.

» Ningani, April ni 7 khan MBSE (Mizoram Board of School Education) chuan HSLC (High School Leaving Certificate Examination) Exam 2011 result a ti chhuak a. Exam beitu Zirlai 11,025 (Singkhat sangkhat, sawmhnih panga) atangin mi 7,716 an pass a, 69.99 percentage a ni. A pumpuiah F Lalvenhimi (Mt Carmel HSS) leh Sujaya Singha (St Pauls HSS)-te Mark 500-ah Mark 466 hmuin Pakhatna an ni. Hetih lai hian kan Vengchhung Zirna School hote pawh an che chhe lo hlawm hle a, New Horizon School 97.73 % (44 candidates), Springdale School 76.47 % (17 candidates) leh Chanmari West High School 72.73 % (11 Candidates) te an ni.

» Thawlehni atang khan India ram chhunga Eiru hremna dan (Anti corruption Law) Lok Pal Bill an tih mai siamthata Parliament-a Pass phutin Anna Hazare (72) chuan chaw a nghei tan. Social activist Hazare hian Jan Lok Pal Bill an tih mai Sorkarin draft siam that rem a ti hma chuan chaw nghei hi a tum. He a chawnghei hi India ram khawpui tam takah mi thahnen takin an thlawpzia an tilang a, India ram hmun tinah ngaihven a hlawh hle. (Lok Pal Bill hi kum 1968 atang dhaih tawh khan Parliament-ah vawi tam putluh a ni tawh a, eng eng emaw vangin la Pass hleih theih a ni lo a, tuna Bill Draft hi a tira draft nen a inang lo NASA hle a, he dan hi pass ni mah se corruption dona hmanraw tha tak tak a nih Hazare hian a ring lo a ni. He Bill hi Scandinavian ram (Northern Europe ram) thenkhat leh ram dangten Corruption an dal dan zulzuia siam a ni.

» Thawleh leh nilai zan khan UEFA Champions League, Quarter Final 1st Leg khelh a ni a, Spanish club lian Real Madrid-in an mikhuall, Champions League vawi khat khelhna Tottenham Hotspur 4-0 in an lo hneh a, rin loh takin German Bundesliga-a 11-na Schalke 04-in away-ah Champion lai Inter Milan 5-2 ngawtin an sawp. Champion tura rinkai ber Spanish La Liga mahruaitu Barcelona in 5-1 ngawtin Ukrainian Club hmasawn Shakhtar Donetsk an hneh a, English club ve ve inbeihnaah Manchester United-in Chelsea tlawhin 1-0 in an hneh bawk. Semi final-ah Spanish derby hmuh theih tura ngaih a ni tawh a, Real leh Barca an insu ngei dawn niin a lang. UEFA Europa League Qtr final 1st Leg pawh khelh zawh a ni a. Portuguese club an che tha hle a, Benfica (Por) 4-1 PSV Eindhoven (Ned), Villareal (Spa) 5-1 FC Twente Enschede (Ned), FC Porto (Por) 5-1 Spartak Moscow (Rus), Dynamo Kiev (Ukr) 1-1 Sporting Braga (Por).

» March ni 11-a lirnghing leh Tsunami vanga chhiahtna namenlo a tawh hnuin ningani khan 7.4 (R.S) a nain Japan ramah lir a nging leh a. Japan hmarchhak tuipui kam velah a na lehzual. Hei hian Fukushima Daiichi Power Plant-a Nuclear Reactor siamthat hna pawh a khaihlak nasa a, hetih lai hian Nuclear Radiation leak chu tihpui a ni tawh a, amaherawhchu Radiation put chhuak tawh hi buaipui tham tak a la tling reng a ni.

NEW HORIZON SCHOOL OF EDUCATION



**Admission Opens
for Class XI & XII (Arts)**

*Section thar hawn belh a
nih dawn avangin
Class X failed tan pawh seat ala
awm e.*

**HSLC 2011 Exam-ah
Failed an awm lo.**

Passed zawng zawngte kan lawmpui a, Min lawmpuitu nu leh pate leh veng chhung mipuite chungah lawmthu kan sawi e.

Results Extract :
Distinction = 2, I Div. -9, II
Div.=22,
III Div=10, Com.=1
sd/- Principal

HETAH HIAN SMS LA >>9774170328<<

» Ni hnuaih thil tha tam tak awm zingah thil tha tih tur hmu thiam lo chu thingro ding ang a ni, a mawih ral ang. Kan khawtlang hmasawnnan tu a te pawh hi kan pawimawh tih i hre than ang u.

879432_07

» N-Section a Vai mistiri ho hi an va huangtau sawt ve. A ram neitu te pawh zahna chang an hre tawh lo, YMA lam hian hmalak a hun lo maw.

879332_03

» Kan veng thlanmual hlui a tlangval rual zu in thin te kha zan ah chuan in tawh lo hram ula, kawngkal chhah leh engtin emaw a lo tih thin kha a mawilo tlat.

977449_09

» Literature Sub-Committee-in an buatsaih thin Drawing Competition ang kha Branch YMA hian buatsaih zui zel se a va tha ve.

961252_21

» YMA Buk bul kawng phei a tui kawng an rem pawn hi hei aia kawng kal ti harsa lo hian a siam theih loh a mi. Zan them ah a hlauhawm em mai.

961252_21

(SMS kan dawn te hi Ed. Bd
ngaihdan a ni vek kher lo)

VINCENT SCHOOL



ADMISSION NOTICE

Vincent School, Chanmari chuan hmun laili, pan nuam leh fian rial bawk si, building tharah Class XI & XII (Arts & Science) Academic session, 2011atangin day scholar leh hosteller tan a hawng dawn. Admission a tih mek a ni.

Sd/- Principal
(5-4) Ph: 9436154259

COMMERCE STREAM AT HELEN LOWRY SCHOOL

Helen Lowry Higher Secondary School chuan kum 2011-2012 session atang hian Class XI Commerce Stream a hawng dawn a, a duh tan Admission Form Office hour (9:00 am - 3:00 pm) chhungin School Office ah lak chuah theih a ni e.

Sd/- Principal
Office : 0389-2345838
(2-2) Cell : 9862323016